

SAMÞYKKT

um meðhöndlun úrgangs í Langanesbyggð.

1. gr.

Almenn ákvæði.

Meðhöndlun úrgangs í Langanesbyggð skal vera samkvæmt ákvæðum samþykktar þessarar og reglugerðar nr. 737/2003 um meðhöndlun úrgangs.

Umhverfisnefnd og sveitarstjórn bera ábyrgð á úrgangsmálum fyrir hönd Langanesbyggðar og samskiptum við þá aðila sem þeim viðfangsefnum tengjast.

Sveitarstjórn er heimilt að fela öðrum framkvæmd söfnunar, rekstur söfnunarstöðva og móttökustöðvar sem og flokkun og förgun úrgangs. Hver sá sem tekur verkefnin að sér skal hafa starfsleyfi frá heilbrigðisnefnd Norðurlands eystra eða Umhverfisstofnun, eftir því sem við á.

Umhverfisnefnd/sveitarstjórn, í samráði við Heilbrigðiseftirlit Norðurlands eystra og framkvæmdaraðila/verktaka, ber ábyrgð á því að íbúar fái fræðslu um flokkun og aðra meðferð úrgangs, móttöku hans og förgun.

Heilbrigðiseftirlit Norðurlands cystra hefur eftirlit með framkvæmd samþykktar þessarar.

2. gr.

Söfnun á blönduðum heimilisúrgangi.

Umhverfis- og skipulagsnefnd/sveitarstjórn Langanesbyggðar eða verktaki gefur út og birtir upplýsingar um hversu oft sorphreinsun fer fram. Ákvörðun um tíðni sorphreinsunar skal tekin í samráði við Heilbrigðiseftirlit og framkvæmdaraðila/verktaka.

Húsráðendum íbúðarhúsnaðis og atvinnuhúsnaðis er skylt að nota þau ílát og þær aðferðir sem umhverfisnefnd/sveitarstjórn og/eða verktaki ákveður.

Gæta skal þess að fylla ekki ílátin meira en svo að auðveldlega megi loka þeim. Húsráðandi getur beðið um að ílátum sé fjölgan og greiðir þá aukgjald sem af fjölgun hlýst.

Í dreifbýli er heimilt í samráði við heilbrigðiseftirlit að setja upp ílát fyrir úrgang í alfaraleið í stað þess að sækja heimilisúrgang á hvert heimili. Staðsetning ílats skal vera þannig að aðgengi að því sé gott. Í ílátin má eingöngu setja heimilisúrgang.

Óheimilt er að skilja eftir eða geyma rusl, garðaúrgang eða annan úrgang á víðavangi, götum, gangstígum og fjörum í Langanesbyggð. Sama á við um númerlausar bifreiðar, bílflök, vélar og sambærilega hluti.

3. gr.

Flokkun úrgangs.

Í ílát fyrir heimilisúrgang má aðeins setja þann úrgang sem fellur daglega til við venjulegt heimilishald, í samræmi við nánari fyrirmæli sem kunna að verða sett um flokkun úrgangs.

Óheimilt er að láta garðaúrgang, jarðvegsefni og brotajárn í sorpílát og gáma. Jarðvegsefnum, þ.m.t. grjóti eða mýrbroti, skal komið á sérmerkta losunarstaði. Spilliefnum, lyfjum og öðrum hættulegum úrgangi skal skilað á viðurkennda móttökustaði. Timbur, brotamál, rafmagns- og rafeindatæki og annan grófan úrgang er óheimilt að setja í ílát fyrir blandaðan heimilisúrgang. Framangreindum úrgangi skal skilað til söfnunarstöðvar eða móttökustöðvar eða til brotamálmsfyrirtækja sem hafa starfsleyfi til móttöku á brotamálmi. Glerbrotum og öðrum oddhvössum hlutum, scm hætta er á að skaði þá sem meðhöndla úrgang eða ílát, skal pakkað inn eða gengið frá þeim á annan tryggi-legan hátt.

Frágangur og umgengni um sorpílát, svo og flutningur á úrgangi frá fyrirtækjum skal vera í samræmi við fyrirmæli Heilbrigðiseftirlits og sveitarstjórnar. Staðsetning sorpgáma vegna framleiðsluúrgangs skal vera í samræmi við ákvárdanir sveitarstjórnar þar um, eða ákvæði deiliskipulags.

4. gr.

Sorpgeymslur.

Ganga skal þannig frá ílátum fyrir úrgang og sorpgeymslum að þau valdi ekki óþrifum eða óþægindum. Halda skal þeim við eftir þörfum og þau hreinsuð reglulega. Sorpgeymslu má eingöngu nota til geymslu úrgangs. Sorpgeymslur skulu vera á jarðhæð og standa sem næst að komu að lóð. Halda skal greiðfærri leið að sorpgeymslum og sorpílátum og hreinsa burt snjó á vetrum. Þegar hundur er tjóðraður á lóð eða laus á lóð innan hundheldrar girðingar skal tryggja að komast megi óhindrað að sorpílátum til losunar. Að öðru leyti er vísað til byggingarreglugerðar nr. 441/1998 og reglugerðar nr. 737/2003 um meðhöndlun úrgangs.

5. gr.

Söfnunarstöðvar og móttökustöð.

Í þéttbýliskjörnum eru söfnunarstöðvar fyrir flokkaðan úrgang. Á söfnunarstöðvum skal tekið á móti flokkuðum úrgangi til endurnýtingar og/eða endurvinnslu frá heimilum og minni fyrirtækjum. Heimilt er að koma með í einu allt að 0,5 rúmmetra af venjulegum heimilisúrgangi án þess að greiða sérstaklega fyrir það. Óheimilt er að losa annan úrgang á söfnunarstöðvum en þá flokka sem tilgreindir eru með merkingum á hverri söfnunarstöð.

Móttökustöð tekur á móti flokkuðum úrgangi frá heimilum og fyrirtækjum samkvæmt gjaldskrá Langanesbyggðar hverju sinni.

6. gr.

Gjaldtaka.

Langanesbyggð innheimtir gjald fyrir förgun úrgangs í samræmi við ákvæði 1. mgr. 11. gr. laga nr. 55/2003 um meðhöndlun úrgangs. Þá er sveitarfélaginu heimilt að innheimta gjald fyrir alla aðra meðhöndlun úrgangs og tengda starfsemi í samræmi við 2. mgr. 11. gr. laganna. Gjöldin skulu sett og innheimt samkvæmt gjaldskrá sem sett er samkvæmt ákvæðum 11. gr. laga nr. 55/2003 um meðhöndlun úrgangs og að fenginni umsögn heilbrigðisnefndar, sbr. 25. gr. laga nr. 7/1998 um hollustuhætti og mengunarvarnir.

Gjöld fyrir hirðu og förgun úrgangs innheimtast með fasteignagjöldum og á sömu gjalddögum. Gjöld skulu lögð á hverja fasteign, stofnun eða fyrirtæki sem nýtur framangreindrar þjónustu. Sveitarfélagjöld skal láta birta gjaldskrána í B-deild Stjórnartíðinda. Í gjaldskránni skal vísa til þessarar samþykktar.

7. gr.

Viðurlög.

Með brot á samþykkt þessari skal farið skv. ákvæðum laga nr. 7/1998 um hollustuhætti og mengunarvarnir og 40. gr. laga nr. 55/2003 um meðhöndlun úrgangs.

8. gr.

Gildistaka.

Samþykkt þessi staðfestist samkvæmt ákvæðum 5. mgr. 4. gr. laga nr. 55/2003 um meðhöndlun úrgangs, sbr. ákvæði 25. gr. laga nr. 7/1998 um hollustuhætti og mengunarvarnir, til að öðlast gildi við birtingu.

Umhverfisráðuneytinu, 28. febrúar 2011.

F. h. r.

Steinunn Fjóla Sigurðardóttir.

Sigurbjörg Sæmundsdóttir.